

## *Autoridade Bancária e de Pagamentos de Timor-Leste*

### *Banking and Payments Authority of Timor-Leste*

Avª Bispo Medeiros, PO Box 59, Dili, Timor-Leste  
Tel. Nº (670) 3 313 718, Fax. Nº (670) 3 313 716

## **VIII Relatoriu Fulan tolu nian ba Fundu Petroleu Periodu 30 de Juñu 2007**

### **KOMUNIKASAUN BA MEDIA**

Ohin , Autoridade Bankaria no Pagamentu (ABP) Timor-Leste nian, fo sai ba dala walu relatoriu fulan tolu nian hosi Fundu Petrolu TL, nebe hatudu numeru asset mak gere iha loron 30 fulan Juñu ho montante USD1,394.22 miliaun kompara ho loron ikus fulan Marsu 2007 nebe mak demonstra \$1,217.98 miliaun.

Relatoriu ne hatudu katak durante fulan tolu ne'e, total reseitas \$308.26 milaun nebe mai hosi kontribuisaun impostus \$93.57 no hosi Autoridade Designada Tasi Timor \$214.70 milaun nebe selu direktamente ba konta Fundu nian.

Lukru (osan funan ) nebe hetan hosi investimentu fundu hamutuk \$11.45 millaun, no mudansas valor merkadu tamba titulo nia folin nebe kiik, hetan negativu \$3.24 milliaun durante fulan tolu ne'e.

Retornu absolutu durante fulan tolu nee hetan positivu 0.62 % , equivalente ho retornu anual nebe hetan 2.49%. Rendimentu husi portofolio durante fulan tolu nee mak 1 pontu baze ki'ik liu retornu referensia.

Bazeia ba pedido Ministerio Plano Finansas nian, transfere ona montante \$140.07 milaun ba Orsamentu Zeral Estado nian durante periodu ne nia laran. Nune'e mos hasai hosi konta Fundo nian rihun \$157.2 hanesan komissaun ba zestaun operacional nebe ABP hala'õ.

Lei Fundu Petroleu nian espesifika katak ABP, hanesan futuru Banku Sentral Timor Leste nian, nudar agente nebe responsabiliza ba gestaun operacional Fundu nian.

Ministra Planu no Finansas iha responsabilidade atu halo estrategia investimentu ba Fundu. Tuir mandatu nebe fo ba ABP hodi gere Fundu nee besik ba Indise referensia Merrill Lynch tinan 0-5 titulus governo Estadus Unidus nian. ABP gere karteira Fundo ne'e besik ou tuir referensia durante periodu ba dala walu ne nia laran. Diferensa iha retornu entre karteira ho referensia desde hari Fundo ne'e hetan negativu 0.02%.

Iha relatorio fulan tolu nian ba dala walu ne'e nebe kobre periodu 1 Abril 2007 to'õ 30 Juñu 2007, inclui:

- Valor abertura \$1,217.98 millaun
- Total receitas durante fulan tolu ne \$308.26 milaun nebe mai hosi kontribuisaun impostus empresas sira nian \$93.570 no hosi Autoridade Dezinada Tasi Timor

\$214.70. Nune'e mos total reseitas \$140.67 nebe hosi osan ida ne'e transfere ona \$140.07 milaun ba konta Orsamentu Zeral Estadu nian e rihun \$157 hasai hanesan komissaun ou kustus ABP nian. Nune'e reseitas likidas hamutuk \$167.43 milaun.

- Retornu absoluto durante fulan tolu nee, 0.62 % ou \$8.21 milliaun.
- Valor ikus liu nian hamutuk \$1,394.22 milliaun.

Relatorio fulan tolu nee nian ho Lei Fundu Petroleu no mos Akordu Gestaun , bele hetan iha situs portal ABP hanesan [www.bancocentral.tl](http://www.bancocentral.tl)

Karik presiza tan informasaun ruma bele kontaktu:

**Maria Jose J. Sarmiento**

*Diretora Ezekutiva Interina*

*Departamentu Fundu Petroleu nian*

*Autoridade Bankaria & Pagamentu Timor-Leste*

*Email: [maria.sarmiento@bancocentral.tl](mailto:maria.sarmiento@bancocentral.tl)*

*Telp: + ( 670 ) 3313718*

*Fax: + ( 670 ) 3313716*

9 Agostu 2007

**Fim**